

ZIRLAI 11-NA

DECEMBER 8-14, 2018

CHIBAIBÛKNAA INPUMKHATNA

CHÂNGVAWN: “Leia awmte hnênah leh hnam tinrêng te, chi tinrêng te, ƣawng tinrêng te, mi tinrêng te hnêna tlângaupui tûra, chatuana Chanchin Ƣha nei vântirhkoh dang vanlaizâwla thlâwk ka hmû a; tin, ani chuan aw ring takin, ‘A rorêl hun chu a lo thlen tâk avângin Pathian chu hlâu ula, chawimawi rawh u; vân te, lei te tuifinriat te, tuihnâ te Siamtu chu chibai bûk rawh u,’ a ti a,” (*Thupuan 15:3*).

SABBATH CHAWHNÛ

DECEMBER 8

Chhiar tûrte: *Daniela 3:8-18; Matthaia 4:8, 9; Tirhkohte 4:23-31; Thupuan 4:8, 11; 14:6, 7, 9.*

ƢENTEKOS hnû lawk aƣang khân Kristian hmasâten Pathian chibaibûk nân an hun tam tak an hmang a. “Tirhkohte zirtîrin, inpâwlin, chhang phelin, ƣawngtaiin ƣahnemngai takin an awm reng a,” (*Tirhkohte 2:42*). Thuthlung Hlui hrilhlawknate lo thlen famkimna, Isua chu Messia a ni tih hriatna aƣanga lo chhuak nêh, Pathian chungâ lâwmna leh lâwmthu sawina an thinsungah a khat liam a. Hê thutak ropui hriat hi hamƣhatna a va ni êm! Khâng Kristian hmasâte khân inpâwl ho nân te, thu zir leh ƣawngtai nân hun hman ho tûl tihna an nei a; chûng chu Isuâ nun, thihna leh thawhleha zâra A thutak inpuâng chhuak vâng leh, anmahnî nuna thil A tihsak avângâ Pathian chungâ lâwmthu sawi nân a ni.

Isua Kristâ kohhran chu kan hrilhfiah dâwn chuan, [Pathian] chibaibûka inpâwl ho tihna a ni a, “thlarau lam in, puithiam thianghlimho, Isua Kristâ zâra Pathian lawm tlâk, thlarau lam inthâwina hlân” (*1 Petera 2:5, NKJV*) tûra Pathian koh nihna a ni. A huhova Pathian chibaibûknaa A chungâ lâwmna chuan mîte thinsung leh rilrûte chu Amâ nungchang pu tûr leh rawngbâwl tûra buatsaih nân a siamƣha ƣhîn.

Tûn kêr chhûnga kan zirlai hian chibaibûkna awmzia leh chû chuan Isua ringtûte zînga inpumkhatna a vawn him dân min zirpui dâwn a ni.

SUNDAY

DECEMBER 9

Min Siamtu leh Tlantu Chibaibûkin

Pathian chibaibûkna chungchâng sawi honaah, eng thilte nge tel tûr ni a, engtia tih tûr nge tihte kan târlang fo ƣhîn a. Mahse, chibaibûkna awmze ril tak chu eng nge ni? Pathian chibai bûk tih hi eng nge a awmzia? Engati nge kan tih ƣhîn? *Sâm 29:2*-ah Davidan, “LALPÂ hnênah a hming ropuina chu pê ula; thianghlim mâwina inbelin LALPA chu chibai bûk rawh u,” a ti a. Hê *Sâm* thû hian chibaibûk awmzia manthiam tûrin min ƣanpui a. LALPA chibaibûk tih chu ‘A phû ang ngêia ropuina leh châwimâwina hlân’ tihna a ni.

Thupuan 4, 5 chhiar la. Vâna chêngten Pathian leh Isua, Pathian Berâm No chibai an bûk chhan engte nge a sawi? En tûr: Thupuan 4:8, 11; 5:9, 10, 12, 13.

Vân lalthutthlêng hûnna hmuna chibaibûkna ziârâng târlanaah hian, Isua chu Pathian Berâm No leh khawvêl Chhandamtu zahawm tak anga sawi a ni a. Chibaibûkna lo thlen dân pawh chu, Pathian thil tih tâkte chung fakna leh lâwmthu sawina thûtea Pathian thilsiamten Amah an chhân lêtna a ni. Pathian thilsiamna leh chhandamna mi malin lâwm taka a chhân lêtna hi chibaibûkna chu a ni. Tâwpna hunah chuan, tlanten hê fakna hi zawm vên, Pathian chhandamna chu chutiang chuan an chhâng lêt vê ang.

“Aw LALPA Pathian, Engkimtithe, I thiltithe chu a ropuina a mak a; Nang, hnam tin Lalber, I kawngte chu a felin a dik a ni. Aw LALPA, tu nge i hming zah lo vang a, chawimâwi lo vang? Nang chauh i thianghlim sî; I thiltih felte chu tihlan a nih tawh avângin, hnam tinrêngin chibai an rawn bûk ang che,” (Thupuan 15:3, 4).

Chutiang chuan, chibaibûkna chu A thiltih ropui takte avânga Pathiana kan rinna chhân lêtna a ni a; a hmasa berah, min siam avângin; a dawt lehah min tlanna avângin a ni. Pathian chu chawimâwi, zahna hlân, fak, hmangaih, thu âwihin, chutiang dawn phû rêng a ni tih ringin chibai kan bûk thîn. Ni e, Pathian chungchâng kan hriatna, min Siamtu leh Chhandamtu a nihna te hi kan hnêna puân chhuah Bible thû aţanga lo chhuak a ni. Chûbâkah, Kristianten Pathian kan hriat chian leh zualna chu Amah Isua leh a rawngbâwlina aţangin a ni (Johana 14:8-14). Chûvâng chuan, Kristianten Isua chu Chhandamtu leh Tlantu a nihna te, inhlanna a thihna leh thawhleha chu chibai an bûk chhan tak chu a ni.

Chibaibûkna nei tûra Kristiante an rawn inkhawm hian, chutiang chu a ni tih hriatna avânga zah leh lâwmthu sawina nê chibaibûkna chu kan nei tûr a ni.

Amâ duhthû rênga min thihsakna azârah, Kristan min Siamtu leh Tlantu a nihna angin, eng mah khêk nei lo va engkim min hlui chungchâng hi ngaihtuah la. Engati nge hêng thutakte hi amah chibai kan bûkna lungphûm tûr chu a nih?

**THAWHTANNÎ
Chibaibûkna Suâk**

DECEMBER 10

Matthaia 4:8, 9 chhiar la. Thlalêra Isua thlêm a nih tum thumna kha eng nge ni?

Chapo leh uâng takin Setanan hê khawvêl rorêltu nihna neiah a inçhâl a, a hausakna leh ropuina neitûah a inçhâl baw k a. Khawvêl chu amâ siam niâwm ziâzângin, chuta chêng zawng zawngte zah leh chawimâwina dawng tûr niin a inngai ngawt a. Siamtu Pathian tân chuan indiriamna chimawm tak a ni. Setana

khân chibaibûkna awmze dik tak chu a man hlê a ni; lei leh vân neitu dik tak hnênah chuan zahna leh châwimâwina chu hlan tûr a ni rêng a ni.

Daniela 3-a Hebrai thian pathumte thil tawn (a bîkin châng 8-18) leh Thupuan 13:8; 14:9-11 tâwpna huna thuneitu hi khâikhin la. Tâwpna huna dinhmun derthâwnga ding chu eng nge ni dâwn? Hêng thil pahniha thu laimû tak chu eng nge ni?

Kaina leh Abela-te aţanga Babulona Hebrai tlangvâl pathumte leh, tâwpna huna ‘sakawlh chhinchhiahna’ (*Thupuan 16:2*) chungchâng thlengin, Setanan chibaibûkna suâk dinngheh a tum ngar ngar a, chumi hmang chuan mîten Pathian dik an hawisan a, fîng verther taka amah chibai an bûk zâwkna tûr kawng a zawng thîn. Tlûkna thlen hmâ pawh khân, Pathian ang nih a lo duh tawh thîn a (*Isaia 14:14*). Hebrai tlangvâlten milim chibai an bûk duh dâwn loha an nun dinhmun hlauhawma a awm thei ang bawkhân, tâwpna huna Pathian mi rinawmte pawhin sakawlh ‘lim’ chu chibai an bûk duh lo a nih chuan, tihhluma vauna an hmachhawn dâwn a ni. Engati nge eng ‘lim’ mah chibai bûk lo va, Pathian dik chauh chu chibai bûk tûra koh kan nih?

“Dura phaizâwla Hebrai tlangvâlthe thil pal tlang aţang hian zir tûr pawimawh tak tak a awm. . . .

“Pathian mîten manganna an la tawh tûr atân hian rinna nghet, sai ngai lo neih a tûl dâwn a, chibai an bûk tûr Pathian chauh a ni tih an pawm ngheh tlat a tûl a, thil eng mahin, nunna chân hial pawh tûl dâwn mah se, chibai bûkna dik lo a pawmtîr ngai tûr a ni lo. Thinlung chhûngrila takna leh rinawmna neite tân chuan, tâwp chin nei mihring thupêkte chu, Chatuan Pa thu nêna kaikhin râlah chuan eng mah lo mai an ni ang. Thutak chu, tân ina khung te, hnawh chhuah te leh thih hial pawh huâmin, an zâwm zêl ang.”— Ellen G. White, *Thlahtubulte leh Zâwlneite*, pp. 432, 433.

Kan chibaibûk Phûa chauh ni lo tû dang pawh chibaibûk tûrin engtiang kawng hrang hrangtein nge thlêm kan nih thîn? Engtin nge chibaibûkna suâk hi kan ngaih ngawt âia verther zâwk daih a nih? Tûnah ngêi pawh hian eng thilte chu nge chibai bûk tûra thlêm kan nih thîn?

THAWHLEHNÎ

DECEMBER 11

Vântirhkoh Pakhatna Thuchah

Seventh-day Adventist-te chuan *Thupuan 14:6-12*-a vântirhkoh pathum thuchah hi Isuâ lo kal leh hmâ chiaha (*châng 14-20*) an rawngbâwlna tûr leh, an thuchah laipui angin an ngai a. Hêng thuchahte hi leia chêng zawng zawngte hnêna ‘aw ring taka’ puân chhuah tûr chu a ni.

Thupuan 14:6, 7 chhiar la. Vântirhkoh pakhatna thuchah chu eng nge ni a, Pathian chungchâng eng nge a târ lan? Chibaibûkna tûra hê thuchaha sawi lan a nih chhan chu eng nge ni?

Vântirhkoh pathum zînga a hmasa ber thuchah puân kha khawvêl pum pui tân a ni. Hei hi *Matthaia 24:14*-a Isuâ hrilhlâwkna lo thlen famkimna a ni bawk. Vântirhkoh pathumte leh an rawngbâwna hi ÷uah leh hmanhmawhpui ngâi tak anga târlan a ni a. A hmasa ber hian Pathian ngaihsak tûrin mîte a tur a “A rorêl hun chu a lo thleng ta,” (*Thupuan 14:7*) tiin a puang. Isuâ lo kal lehna tûr chu rorêlna tâwpna tûr a ni ang.

Vântirhkoh chuan, “Pathian chu hlâu rawh u,” (*chang 7*) a ti a. Pathian ngaithupui vak lote tân chuan hê thuchah hi che tûra kohna a nih angin, mi tam tak thin a ÷hâwng hlê dâwn a ni. Isua zuitûte tân erawh chuan Amah zahna leh lâwm tûra sâwmna a ni thung. Pathian lam thlîrin A thutiamte famkimna chu an hmû a. Pathian zah tak chung a lâwmna chuan an khat a ni.

“Vân leh lei te, tui finriat leh tuihnâte Siamtu chu chibai bûk rawh u,” (*châng 7*). Hê ÷awngkam hian Thilsiamna chungchâng Sabbath thupêk (*Exodus 20:8-11*) kha thâwi tham deuhin a sawi a. Thilsiamna Pathian tho kha thilsiam theitu a nih hriat reng nâna Sabbath dintu, zah leh chibaibûk tûr chu a ni.

Tâwpna hunah chuan chibaibûkna chungchâng hi thu inchuh ber, tû chungah nge mihringte hi an rinawm tih lantîrna a ni dâwn tih hi a ngaihnawm hlê mai. Hê khawvêl huap thupuân hi Siamtu chibaibûk tûra kohna a ni.

“Buaina hnuhnunga thu inchuh ber tûr chu chibaibûkna thû-ah a ni dâwn. *Thupuan*-in Chiang taka a sawi chu fiahna chu chibaibûk khap lam ni lo vin, ‘tû chu nge chibai kan bûk’ tihah a ni ang. Tâwpna hunah chuan, khawvêlah hian mi chi hnih chiah an awm dâwn a: Pathian dik hlâuva chibaibûktûte (*11:1, 18; 14:7*) leh thutak huâ a dragon leh sakawlh chibaibûktûte chu (*13:4-8; 14:9-11*) an ni. . . .

“Buaina hnuhnunga chibaibûkna chu thu inchuh ber a nih dâwn chuan, leia chêngtena an ngaih thupui viau leh, chibaibûk phû awm chhun, Siamtu chu chibaibûk tûra ngen nâna Pathianin tâwpna hun chanchin ÷hâ a puântîr chu thil tih âwm tak a ni.”—Ranko Stefanovic, *Revelation of Jesus Christ: Commentary on the Book of Revelation* (Berrien Springs, Mich.: Andrews University Press, 2002), pp. 444, 445.

NILÂINÎ

DECEMBER 12

Bible Zir ho leh Inpâwl hona

***Tirhkohte 2:42* chhiar la. Kristian hmasâte Pathian biak inkhâwma an thil tih ÷hin ÷henkhat chu engte nge ni?**

“Anni chu tirhkohte thurina ding nghet leh inpâwl hovin an awm reng a,” (*Tirhkohte* 2:42, NKJV). Kohhran hun tîr tê aţang tawh khân, chibaibûknaah tirhkohten kan hnêna min lo pêk Pathian Thu zirna neih kha a pawimawh lai tak a ni chho reng a. Isua chu Messia a ni tih sawina chungchâng sawina Pathian Lehkathu zir kawngah Kristian hmasâte kha an rinawm tlat a. Pathianin an hnêna malsâwmna a vûr tharte chu inhrilh tawn tîr leh, thlarau lama Pathian lêngpui tûra infuih phûr tlâng tûrin inpâwl hona an nei fo thîn. Thû aţang chuan thutak hlu tak takte an chhar chhuak a, chûng chu khawvêl hnêna an thuchah lungphûm a lo ni ta a ni.

Ringtu dangte nêna inpâwl hona neih Pathian Thu zir hona neih pawimawhia eng nge hêng chângte hian an sawi?

2 *Lalte* 22:8-13: _____

Tirhkohte 17:10, 11: _____

2 *Timothea* 3:14-17: _____

“Thutak chanchin tha puân a nihna hmun apiangah rinawm taka thil dik tih duhtu apiangte chu Pathian Lehkha thûte ngun taka zawng tûra hruaiin an awm thîn. Hê khawvêl chanchin tâwp dâwn lam hnaihah hian fiahna thudik puan ngaithlatûte chuan Beroia khuâa mîte anga, nî tina Pathian thûte zawng a, an thusawi ngaihlakhte chu Pathian thû nêan an khaihkhin zêl phawt chuan, tûna mi tlêm tê awmnaah hian Pathian dân thûtea rinawm tam tak an lo awm ang.”-Ellen G. White, *Tirhkohte Thiltih*, p. 206.

Kan puân chhuah thutak avâng te, Pathian Thû aţanga thutak kan hmuh chhuah avângte hian impumkhat tlâng kan ni. Chutiang chu hmânlai Pathian mîte pawh kha an lo ni tawh a, tûnlai hunah pawh chutiang tho chu a ni. Pathian Thu zir hona hi kan Pathian chibaibûk inkhâwm leh, khawvêl hnêna vântirhkoh pathum thuchah puâng chhuak tûra kohte inpumkhata awmtîrtu chu a ni. Chibaibûkna leh inpâwl hona nei tûra chhûngkua anga kan lo kal khâwm hian, Isua lo kal lehna tîr leh kan rawngbâwlina tûra kan nunte buatsaiha min kaihrui tûrin, Pathian Lekhathû chuan Pathian aţangin thû min hrilh thîn a ni.

Kan rinna thû-ah hian, eng ang taka Bible-a zung kâi nghet nge i nih? Hebrai tlangvâl pathumte ang khân tihlum tûra vauna hmachhawn ngam tîr khawpa zung kâi nghet i ni vê tawh em?

NINGÂNÎ

DECEMBER 13

Chhang Phel leh Tawngţaiin

Kohhran hmasâin chona an hmachhawn kha eng pawh ni se, Isua an rin tlânnaah leh, khawvêla puân darh tîr thutak an kuta kawltîr chungah an inpumkhat tha tlat a. Petera pheih chuan ‘tûnlai thudik’ (2 *Petera* 1:12) tiin a sawi hial a ni. Chutiang chuan

thutaka ʔangrualin, an inpumkhatna chu kawng hrang hrangin an lantîr ʔhîn a ni.

“Anni chu . . . ding nghetin, chhang phel leh ʔawngʔaiin an awm reng a,” (*Tirhkohte 2:42*, NKJV). Heta chhang phel tih hi inpâwl hona chawhlui kîl sawina emaw, ringtûten chaw an ei ho ʔhîn sawina emaw pawh a ni thei. Chutianga inpâwl hona chawhlui an kîlna ʔhenkhatah chuan, tû emaw lo ding chhuakin Isuâ thihna leh thawhlehma hriat reng nân leh, A lo kal leh thuaina tûr beiseiin chhang leh in tûr chu malsâwmna bik a dîl pawh a ni thei. Kristian hmasâte khân Isuâ nun leh rawngbâwlma hriat reng nâna hun hmang ʔhînin, inpâwl hona chawhlui kîla sawi hote kha nuâm an ti a ni. Chawhlui an kîl honate pawh chu chibaibûkna hunah a chang ta zêl a ni ber.

“Nî tin rilru hmun khatin Pathian biak inah chuan ʔhahnemngai takin an awm ʔhîn a, an in lamahte pawh chhang an phel a, hlim tak leh lungâwi takin an châw an ei ʔhîn a, Pathian an fak a, mi zawng zawng lâwm zâwngin an awm ʔhîn. A chhandam mêk apiangte chu LALPAIN nî tin an hnênah a teltîr zêl ʔhîn,” (*Tirhkohte 2:46, 47*). Rinhlelh ruâl lohina, hetiang a inpâwl hona an neihna hian Isuâ inpumkhatna an neih tawh chu a châwm nung ʔha hlê a ni.

***Tirhkohte* bû-ah hian Kristian hmasâten ʔawngʔai hona an nei ʔhîn tih eng entîrnate nge kan hmuh? Eng dîlin nge an ʔawngʔai ʔhîn?**

Tirhkohte 1:14 _____

Tirhkohte 4:23-31 _____

Tirhkohte 12:12 _____

Kohhran hmasâte khân Pathian nêna inbiakna neih remchâna kha an ngaihlu hlê ʔhîn a, Amah chibaibûka inkhâwm honaa dîlna thlen phei chu an pelh phal ngai lo. Paulan Timothea hnêna a lehkhathawn pakhatnaah Kristian kal khâwmnaa ʔawngʔaina neih pawimawhzia a târlang tel a (*1 Timothea 2:1*). Efesi mîte hnênah pawh ʔawngʔaina neih a ʔûl ʔhû uâr takin a sawi baw: “ʔawngʔaina leh dîlna tin rêngin eng hun pawha Thlarauva ʔawngʔaiin, chu mi kawngah chuan mi thianghlim zawng zawng tân ʔhahnemngai tak leh dîl latin ngaihven rawh u,” (*Efesi 6:18*) tiin.

Thil tlânglâwn deuh indîlsak thiltihtheihna zârah, inpumkhatna ʔhûk zâwk kan chan theihna tûr chu eng kawngte nge ni ang? Engtin nge hetiang a ʔawngʔaina hian kohhran pumkhat tûra min ʔanpui ʔhîn?

ZIRTÂWPNÎ

DECEMBER 14

Ngaihtuah tûr: “Thilsiam hriat reng nâna Chawhlni pawimawhna chuan, Pathian chu chibai bûk tlâk a nihzia leh, Siamtu A nihzia leh A thilsiamte kan nihzia a lantîr reng a. Chuvângin Chawhlnî chu Pathian biakna nghahchhanah chiaa a awm a; hê thutak ropui tak hian, mi lungkuai zâwng tak thu zirtîrna danga awm lo chu a

zirtîr a. Pathian chibai bûk dân dik, nisarih nîa chawlhna satliah mai ni lo, chibai bûkna tinrêng chu Siamtu leh a thilsiamte inkâra danglamnaah hmuh a ni ang. Hê thil kalhmang dik ropui tak hi hluihlâwn mai theih a ni lo vang a, theihngihl a ni hek lo vang. Hê thutak hi mihring rilruah an vawn reng tûrin Pathianin Eden-ah Chawlnî chu a lo din a. Siamtu a nihna hi amah chibai kan bûkna tûr chhan a nih chhûng chu Sabbath nî hi chhinchhiahna leh hriat rengna a ni reng ang. Sabbath nî chu khawvêl zawng zawngah serh ni ta sela chuan, mihringte rilru leh thinlung chu Siamtu zahna leh chibai bûkna lamah a hruai ang a, Pathian awm ring lo, milem be mî leh Kristian sâkhaw ngaihsak lo an awm ngai lo vang. Sabbath ni serh chu, Pathian dik, ‘vân te, lei te, tuifinriat te, tuihnâ te Siamtu’ laka rinawmna lantîrtu chhinchhiahna a ni a. Pathian chawimâwi tûr leh, A thupêkte zâwm tûra mihringte hnêna thu petu thuchah chuan thupêk palîna, zâwm tûrin a sâwm bîk ang.”— Ellen G. White, *Indona Ropui*, pp. 437, 438.

Sawi ho tûrte:

- ❶ Chibaibûkna, thilsiamna leh chhandamna hi Bible thupui inphiâr khâwm chiât a ni sî a, engtin nge Sabbath serhna hi chibaibûkna suâk laka Pathian damdâwi a nih i rin? Hê tâwpna-hun hrilhlâwkna *Thupuan 14:6, 7*-ah hian Sabbath-in eng pawimawhna tak nge a neih? Engati nge vântirhkoh pakhatna thuchahah Sabbath chu sawi a lo nih?
- ❷ Pathian chibaibûk inkhâwma tih tûrte leh tih loh tûrte kan sawi fo va. Hei hi a tha tâwk em? Chibaibûkna chu eng nge a nih chiah? Engtin nge in tuâlchhûng kohhran khân chibaibûkna awmze nei tak chu ataka in chan thin?
- ❸ Hnam thenkhat zîngah Kristian chibaibûk hona ang chí hi a bo deuh tiâl tiâl a, Adventist zîngah ngêi pawh a ni. Chutiang dâl tûr chuan in tuâlchhûng kohhran khân eng nge in tih theih ang?

KHÂIKHÂWMNA: Chibaibûkna hi Pathian chhandamna thilthlâwnpêk Kristian ringtûten lâwm taka an chhânlêtna a ni. Kristiante inpumkhat leh inpâwl hona atâna thil tûl tak a ni bawk. Tawngtaina leh kan tâna Pathian thutak hriat châka Bible zir hona tel lo chuan, Kristaa kan inpumkhatna hi ataka chan a ni ngai lo vang.